



# Buletin Edisi 1. Bil 1/2016

# Jaluma

Jawatankuasa Latihan Bersama Institusi Pengajian Tinggi Awam di Malaysia



Aerial View KAMPUS UPNM SUNGAI BESI



Pengurusan Tertinggi UPNM alami pengalaman berharga di Lata Kijang



Seminar Pengurusan Kewangan Strategik Bagi Institusi Pendidikan Tinggi

LB  
2326.3  
.B85



UMT Terajui JALUMA



SET EA 2016

# PERINTIS KHAS BIL 1/2016 SETIAUSAHA PEJABAT (SUP)

Disediakan oleh: Mohd Farid bin Mohd Khalid



Siri pertama program PERINTIS bagi tahun 2016 telah dilaksanakan pada 6 hingga 8 Mei 2016 bertempat di Tapak Perkhemahan KOKU PBPI & Hutan Rekreasi Ayer Keroh, Melaka. Program ini melibatkan seramai 42 orang staf berjawatan Setiausaha Pejabat (SUP) dari pelbagai pejabat dan fakulti. Pemilihan kumpulan SUP ini adalah bertepatan dengan usaha pihak pengurusan universiti untuk mempelbagaikan fungsi SUP bagi memenuhi keperluan semasa pihak pengurusan.

Justeru, perbincangan yang teliti telah diadakan melibatkan ahli panel PERINTIS dan Pejabat BPSM khususnya Jabatan Latihan bagi menghasilkan struktur PERINTIS yang menepati objektif tersebut. Beberapa penambahbaikan telah dikenalpasti yang melibatkan lokasi aktiviti, pengisian slot NLP juga slot khusus oleh pihak Pengurusan Sumber Manusia bagi menjelaskan tugas hakiki juga tugas yang bakal digalas oleh SUP.

Hari pertama menyaksikan kehadiran peserta ke Tapak Perkhemahan PERINTIS bagi tujuan pendaftaran dan pembahagian peralatan perkhemahan. Taklimat ringkas mengenai program PERINTIS kali ini telah disampaikan dengan penuh bersemangat oleh Timbalan Pendaftar, Encik Azhar bin Salleh. Beliau telah menekankan isu keselamatan ketika program juga objektif utama PERINTIS Khas ini dijalankan. Tepat jam 8.45 malam merupakan kemuncak program iaitu Ucaptama dari Naib Canselor UTeM, Y. Bhg Profesor Datuk Dr. Shahrin bin Sahib. Beliau telah diiringi oleh Timbalan Naib Canselor, Y. Bhg Profesor Datuk Dr. Mohd Razali bin Mohamad; Pendaftar, Y. Bhg Datuk Hasan bin Sirun; Bendahari, Encik Khairul bin Taib dan Dekan FTK Prof. Madya Mohd Rahimi bin Yusoff. Turut mengiringi ialah Encik Isa bin Mohd Dom selaku Ketua Fasilitator PERINTIS dan Encik Amir bin Aris yang memimpin aktiviti *outdoor* dan slot NLP.



Naib Canselor telah menyampaikan hasrat dan tujuan utama program ini untuk dihayati dan dijadikan motivasi oleh peserta dalam mengharungi aktiviti-aktiviti yang telah dirancang. Beliau telah menekankan keutamaan fungsi SUP dalam memastikan pengoperasian pejabat oleh Ketua masing-masing dalam keadaan yang produktif dan menepati sasaran kerja. SUP bukan hanya perlu meneliti setiap tugas, rutin harian, malah menjadi imej kepada Ketua masing-masing. SUP juga perlu menjaga tatasusila serta menggunakan gaya komunikasi yang efisien agar segala maklumat dan urusan dapat disampaikan kepada Ketua dengan cara yang berhemah. Integriti SUP dalam memastikan kerahsiaan maklumat juga telah dinyatakan dengan jelas oleh Datuk Naib Canselor agar tidak berlaku penyebaran maklumat yang salah di kalangan staf UTeM.



Naib Canselor telah menyampaikan hasrat dan tujuan utama program ini untuk dihayati dan dijadikan motivasi oleh peserta dalam mengharungi aktiviti-aktiviti yang telah dirancang. Beliau telah menekankan keutamaan fungsi SUP dalam memastikan pengoperasian pejabat oleh Ketua masing-masing dalam keadaan yang produktif dan menepati sasaran kerja. SUP bukan hanya perlu meneliti setiap tugas, rutin harian, malah menjadi imej kepada Ketua masing-masing. SUP juga perlu menjaga tatasusila serta menggunakan gaya komunikasi yang efisien agar segala maklumat dan urusan dapat disampaikan kepada Ketua dengan cara yang berhemah. Integriti SUP dalam memastikan kerahsiaan maklumat juga telah dinyatakan dengan jelas oleh Datuk Naib Canselor agar tidak berlaku penyebaran maklumat yang salah di kalangan staf UTeM.

Penambahan fungsi dan tugas SUP perlu diterima dengan rasa penuh tanggungjawab dan dijadikan sebagai satu cabaran untuk menghasilkan *output* kerja yang lebih cemerlang. Ucapan beliau telah diakhiri dengan doa dan harapan agar setiap peserta akan mendapat manfaat dan berazam untuk melakukan perubahan dan istiqamah dalam urusan kerja tanpa mengabaikan suruhan agama. Sesi hari pertama telah diakhiri dengan pembahagian kumpulan dan taklimat program oleh Encik Isa dan Encik Amir bin Aris.

Hari kedua menyaksikan aktiviti komuniti iaitu Jalinan Mesra bersama Anak-anak Yatim Kompleks Fatima Az-Zehrah Bukit Katil. Objektif utama aktiviti ini adalah untuk menyemai rasa tanggungjawab dan berkongsi pengalaman hidup bersama anak-anak yatim berumur di antara 9 – 13 tahun. Naluri keibuan dan kewanitaan peserta telah menghasilkan sesi perkongsian yang sangat menarik. Setiap peserta telah menerima seorang anak yatim dan melakukan aktiviti ramah mesra, motivasi serta membantu anak yatim ini sekiranya terdapat isu dan permasalahan diri yang mengganggu fokus mereka terutama dalam pembelajaran.

Kejayaan sesi selama hampir 1 jam ini dapat dilihat menerusi reaksi anak-anak yatim yang sukar melepaskan 'ibu' masing-masing di penghujung aktiviti. Linangan airmata telah cukup menggambarkan betapa masa yang singkat itu adalah amat bermakna buat mereka. Selesai sesi bergambar, peserta bergerak ke Hutan Rekreasi Ayer Keroh bagi aktiviti seterusnya.

Diantara keunikan siri PERINTIS kali ini, ialah pelaksanaan aktiviti *outdoor* di luar UTeM. Melalui kerjasama Perbadanan Melaka Berhad, sebanyak 5 lokasi *checkpoint* telah dikenalpasti untuk digunakan sebagai lokasi aktiviti. Setiap kumpulan perlu melaksanakan permainan *team building* dan tugas yang ditetapkan oleh fasilitator pada setiap *checkpoint*. Fasilitator NLP akan menjalankan sesi *coaching* secara berkumpulan berkaitan dengan kecemerlangan tugas SUP khususnya di UTeM.



Kemuncak aktiviti ini merupakan aktiviti menangkap ikan keli tanpa menggunakan peralatan. Peserta perlu menangkap sekurang-kurangnya 3 ekor ikan dalam masa yang telah ditetapkan. Ikan-ikan tersebut akan dimasak dan dihidangkan sebagai juadah makan tengahari. Pelbagai ragam yang mencuit hati telah dipamerkan juga semangat kental dalam proses menangkap ikan keli yang bersaiz besar.

Pada sesi malam pula, acara dimulakan dengan slot Penerangan Fungsi dan Tugas Setiausaha Pejabat yang telah disampaikan oleh Timbalan Pendaftar Kanan, Encik Masdzarif bin Mahat. Slot kedua merupakan sesi *Power Story* yang telah disampaikan oleh Timbalan Naib Canselor (Penyelidikan & Inovasi), Y.Bhg Prof Ir. Dr. Mohd Jailani bin Mohd Nor. Maklumat yang diperolehi melalui kedua-dua slot ini amat penting dalam membantu peserta untuk melakukan aktiviti terakhir pada hari ke-3.

Slot NLP *Coaching* – SUP Cemerlang telah dipimpin oleh Ketua Fasilitator NLP, Encik Amir bin Aris dan merupakan sesi terakhir bagi program PERINTIS Khas kali ini. Setiap kumpulan telah dipimpin oleh seorang NLP *coach* dan hasil perbincangan telah dipersembahkan kepada Naib Canselor UTeM. Ucapan penutup dari Naib Canselor UTeM telah menggambarkan kepentingan peranan Setiausaha Pejabat dalam aktiviti pengurusan. Juga keperluan tugas Setiausaha untuk dipelbagaikan dalam memenuhi keperluan tambahan dan meningkatkan kemahiran Setiausaha agar lebih dinamik dan produktif.

Kesimpulannya, program PERINTIS Khas ini telah berjaya mencapai hasrat objektif penganjuran di mana tugas tambahan Setiausaha telah diperjelaskan dan dapatan maklumbalas dari persembahan kumpulan akan menjadi input kepada kursus *Team Building* Pengurusan Tertinggi UTeM nanti.

## SUMBER DNA UTM: KECEMERLANGAN ORGANISASI MELALUI PROGRAM GAYA HIDUP SIHAT

Kursus Asas Jurulatih Senamrobik telah berjaya dijalankan selama empat (4) hari, mulai 2 hingga 5 November 2015. Seramai 20 orang staf UTM telah menghadiri kursus ini dan telah lulus dengan jayanya. Daripada jumlah tersebut, sebelas orang peserta adalah dari UTM Johor Bahru manakala sembilan orang peserta dari UTM *International Campus*.

Objektif utama kursus ini diadakan adalah untuk

1. Mempertingkatkan kompetensi peserta yang telah mengikuti kursus pengenalan jurulatih senamrobik,
2. Menyokong Program Gaya Hidup Sihat UTM, dan
3. Menyedia jurulatih senamrobik terlatih yang terdiri daripada kalangan staf UTM.

Terdapat 10 slot modul yang perlu dipelajari oleh peserta sepanjang kursus empat (4) hari berlangsung. Antara pengisian modul kursus ini adalah Etika & Profesionalisme Dalam Senamrobik, Pengenalan Kepada Anatomi & Fisiologi, Pergerakan Asas Senamrobik, Prinsip Latihan & Kecergasan Fizikal, Muzik, Koreografi dan Pemanakan. Pada akhir kursus, peserta diwajibkan mengikuti Ujian secara Teori dan Amali bagi menguji keupayaan peserta sebelum menjadi jurulatih senamrobik.

